

FEDERALNO MINISTARSTVO ZDRAVSTVA**730**

Na osnovu člana 12. stav (4), člana 16. stav (7), člana 17. stav (6) Zakona o apotekarskoj djelatnosti ("Službene novine Federacije BiH", broj 40/10), federalni ministar zdravstva donosi

**PRAVILNIK
O DOPUNI PRAVILNIKA O BLIŽIM UVJETIMA U
POGLEDU PROSTORA, OPREME I KADRA,
KRITERIJIMA ZA OSNIVANJE I OBAVLJANJE
APOTEKARSKE DJELATNOSTI U SVIM
ORGANIZACIJSKIM OBLICIMA, KAO I NAČINU I
POSTUPKU NJIHOVE VERIFIKACIJE**

Član 1.

U Pravilniku o bližim uvjetima u pogledu prostora, opreme i kadra, kriterijima za osnivanje i obavljanje apotekarske djelatnosti u svim organizacijskim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), iza člana 47b. dodaje se novi član 47c. koji glasi:

"Član 47c.

- (1) U slučajevima kada apoteka zdravstvena ustanova, njeni organizacijski oblici, kao i apoteka u privatnoj praksi ne može iz razloga za koji nije odgovorna ili iz drugih opravdanih razloga nastaviti rad na postojećoj lokaciji, može se preseliti na novu lokaciju na kojoj će nastaviti obavljati apotekarsku djelatnost, bez obzira što ne ispunjava uvjete iz čl. 3. i 4. ovog pravilnika, ako se preseljenjem na novu lokaciju udaljenost cestovnom linijom od nove lokacije apoteke do najbliže apoteke mijenja za najviše 50 metara cestovne udaljenosti između postojeće lokacije apoteke i najbliže apoteke.
- (2) Zahtjev za izdavanje rješenja kojim se traži preseljenje apoteke na novu lokaciju, na način i u slučajevima predviđenim u stavu (1) ovog člana, podnosi osnivač - vlasnik apoteke zdravstvene ustanove, odnosno direktor apoteke zdravstvene ustanove ili nositelj odobrenja za privatnu praksu i uz isti prilaže dokaze o ispunjavanju uvjeta prostora, opreme i kadra iz čl. 41, 41a, 42, 42a. i 42b. Pravilnika, izuzev saglasnosti kantonalnog ministarstva na lokaciju apoteke u smislu člana 6., a u vezi sa čl. 41., 42., 42a. ovog pravilnika.
- (3) Rokovi utvrđeni za izdavanje rješenja o odobrenju rada apoteke zdravstvene ustanove, kao i rokovi za žalbu, te organ kojem se podnosi žalba utvrđeni članom 46. ovog pravilnika, shodno se primjenjuju i na rješavanje upravne stvari iz stava (1) ovog člana."

Član 2.

Ovaj pravilnik stupa na snagu osmog dana od dana objavlivanja u "Službenim novinama Federacije BiH".

Broj 06-37-2858-1/19
22. maja 2019. godine
Sarajevo

Ministar
Doc. dr. **Vjekoslav Mandić**, s. r.

Temeljem članka 12. stavak (4), članka 16. stavak (7), članka 17. stavak (6) Zakona o ljekarničkoj djelatnosti ("Službene novine Federacije BiH", broj 40/10), federalni ministar zdravstva donosi

PRAVILNIK

**O DOPUNI PRAVILNIKA O BLIŽIM UVJETIMA GLEDE
PROSTORA, OPREME I KADRA, KRITERIJIMA ZA
OSNIVANJE I OBAVLJANJE LJEKARNIČKE
DJELATNOSTI U SVIM ORGANIZACIJSKIM
OBLICIMA, KAO I NAČINU I POSTUPKU NJIHOVE
VERIFIKACIJE**

Članak 1.

U Pravilniku o bližim uvjetima glede prostora, opreme i kadra, kriterijima za osnivanje i obavljanje ljekarničke djelatnosti u svim organizacijskim oblicima, kao i načinu i postupku njihove verifikacije ("Službene novine Federacije BiH", br. 44/12, 23/13 i 27/14), iza članka 47b. dodaje se novi članak 47c. koji glasi:

"Članak 47c.

- (1) U slučajevima kada ljekarna zdravstvena ustanova, njeni organizacijski oblici, kao i ljekarna u privatnoj praksi ne može iz razloga za koji nije odgovorna ili iz drugih opravdanih razloga nastaviti rad na postojećoj lokaciji, može se preseliti na novu lokaciju na kojoj će nastaviti obavljati ljekarničku djelatnost, bez obzira što ne ispunjava uvjete iz čl. 3. i 4. ovog pravilnika, ako se preseljenjem na novu lokaciju udaljenost cestovnom linijom od nove lokacije ljekarne do najbliže ljekarne mijenja za najviše 50 metara cestovne udaljenosti između postojeće lokacije ljekarne i najbliže ljekarne.
- (2) Zahtjev za izdavanje rješenja kojim se traži preseljenje ljekarne na novu lokaciju, na način i u slučajevima predviđenim u stavku (1) ovog članka, podnosi osnivač - vlasnik ljekarne zdravstvene ustanove, odnosno ravnatelj ljekarne zdravstvene ustanove ili nositelj odobrenja za privatnu praksu i uz isti prilaže dokaze o ispunjavanju uvjeta prostora, opreme i kadra iz čl. 41, 41a, 42, 42a. i 42b. Pravilnika, izuzev suglasnosti kantonalnog ministarstva na lokaciju ljekarne u smislu članka 6., a u svezi sa čl. 41., 42., 42a. ovog pravilnika.
- (3) Rokovi utvrđeni za izdavanje rješenja o odobrenju rada ljekarne zdravstvene ustanove, kao i rokovi za žalbu, te organ kojem se podnosi žalba utvrđeni članom 46. ovog pravilnika, shodno se primjenjuju i na rješavanje upravne stvari iz stavka (1) ovog članka."

Članak 2.

Ovaj pravilnik stupa na snagu osmog dana od dana objave u "Službenim novinama Federacije BiH".

Broj 06-37-2858-1/19
22. svibnja 2019. godine
Sarajevo

Ministar
Doc. dr. **Vjekoslav Mandić**, v. r.

На основу члана 12. став (4), члана 16. став (7), члана 17. став (6) Закона о апотекарској дјелатности ("Службене новине Федерације БиХ", број 40/10), федерални министар здравства доноси

ПРАВИЛНИК

**О ДОПУНИ ПРАВИЛНИКА О БЛИЖИМ УСЛОВИМА
У ПОГЛЕДУ ПРОСТОРА, ОПРЕМЕ И КАДРА,
КРИТЕРИЈУМИМА ЗА ОСНИВАЊЕ И ОБАВЉАЊЕ
АПOTEKAPCKE ДЈЕЛАТНОСТИ У СВИМ
ОРГАНИЗАЦИОНИМ ОБЛИЦИМА, КАО И НАЧИНУ
И ПОСТУПКУ ЊИHOBE ВЕРИФИКАЦИЈЕ**

Члан 1.

У Правилнику о ближим условима у погледу простора, опреме и кадра, критеријумима за оснивање и обављање апотекарске дјелатности у свим организационим облицима, као и начину и поступку њихове верификације ("Службене